

9. august 2013

UKA 2013/29

Inatsisartut suleriaasianni § 33 naapertorlugu aalajangiiffigisassatut siunnersuut una Inatsisartunut saqqummiuppara:

Inoqtigiit isertitaasa annertussusaat aallaavigalugu utoqqalinersiat ilanngaateqartinneqartarnerisa atorunnaarsinneqarnissaa siunertaralugu Utoqqalinermi pensionisiat pillugit Inatsisartut peqqussutaat nr. 3, 7. maj 2007-imeersup Naalakkersuisut kingusinnerpaamik UKA14-mi allangortitsinissaat pillugu Inatsisartuni aalajangiiffigisassatut siunnersuut.

(Inatsisartunut ilaasortaq Kristian Jeremiassen, Siumut)

Tunnqavilersuut:

Utoqqaat pisinnaasutut misigisimasut aningaasarsiorusuttullu namminneq akisussaaffigisariaqarpaat qanoq saniatigut sulisarnermitt isertitaqartiginissartik, maannakkut aaqqissuussaaneq aallaavigalugu utoqqaat pisariaqanngitsumik killilersorneqartut isumaqarpunga tamanna allangortinneqartariaqarpoq.

Utoqqalinersiallit pisinnaasut saniatigut sulinerikkut inuiaqatigiinni aamma nammaqataanissaat pisariaqartippaput, taamaammat saniatigut sulisarnermitt isertittagaat pissutigalugit utoqqalinersiamikkut ilanngaaffigitittarnerat atorunnaarsinneqartariaqarpoq, namminneerlutimmi aaliangersinnaasariaqarpaat pisinnaanertik aallaavigalugu qanoq sulitigissanerlutik.

Utoqqalinersiat saniatigut isertitaqarluraanni killissarititat qaangerlugit utoqqalinersianik ilanngaaffigitittarneq inunnik isertitaqarusuttunik killilersuineq ullutsinnut naleqqukkunnaarpoq, pisinnaasut pissapput soorunami utoqqaat pisinnaanertik aallaavigalugu sulinertik ingerlatissavaat. Piumasut piniarlik, inatsisitigut inuit piumasusillit killilersoqqissinnaangilagut nutaamillu ullutsinnut naleqquttumik aaqqiinissaq maannakkut piffissanngorpoq, iliuuseqartariaqarpugummi utoqqarnut periarfissarititaasut pitsanngortikkumallugit.

Inuiaqatingiit annaasassaqaanngillat utoqqalinersiutit saniatigut sulinerminnit isertittagaasa qummut killeqarunnaarsinneqarpata, illuatungaatingulli inuiaqatingiinnut iluaqutaanginnassasoq qularinngilara, inuimmi sulinerulerpata akileraarutitigut isertitassat soorunami amerleriassapput taamaalillutalu inuiaqatingiinnut iluaqutaassaaq.

Taamatut siunnersuuteqarlunga kissaatingivara Inatsisartuni ilaasortanit tapersorsorneqarluassallunga unami siunnersuut aqquotingalungu utoqqaat periarfissaat pittanngorsarneqassapput.

Siunnersuutip aningaasatigut allaffissornikkullu pisortanut kinguneqaatissai

Inatsimmik allanngineq allaffissornikkut suliaqartitsissaaq. Inatsimmik allanngineq allaffissornikkut atorfilittap ataatsip ukiup ataatsip sisamararterutaata missaannik suliaqarneranik naleqarnissaa ataatsimut isigalugu nalilersuutaavoq, Naalakkersuisullu allaffissornermut aningaasartuutissatut 2014-mut atugassatut missingersuutaasa iluani pingaarnersiuiinikkut naammassineqassalluni.

Siunnersuut pisortanut aningaasatigut annaasaqaataallunilu iluanaarutaassaaq. Utoqqaat utoqqalinersiami saniatigut suliffeqarnermikkut isertitaqartut pisortaniit utoqqalinersiaat ilanngarneqartarunnaarpata pisortat utoqqalinersialinnut aningaasat tunniuttagaat qaffassapput. Ullumikkut utoqqalinersiamikkut ilaanngaaffigitittartut amerlassusaat siunissamilu utoqqaat 65-nik ukiullit amerlassusissaat pisortanut annaasaqaataasussap qanoq annertutiginnissaanut apeqqutaassaapput. Utoqqaat utoqqalinersiami saniatigut isertitaqarnerulertut isertaasa akileraarusersugaaneratigut pisortanut iluanaarutaassaaq.

Suliffeqarneq peqqissutsimut iluaqutaasarmat utoqqaat amerlanerusut sulilernerat peqqinnissaqarfimmu annikinnerusumik suliassaqalerneramik kinguneqarsinnaavoq taamaalillunilu aamma peqqinnissaqarfiup aningaasartuutikinnerulerneranik kinguneqarsinnaalluni.

Siunnersuutip namminersorlutik inuussutissarsiortunut aningaasatigut allaffissornikkullu kinguneqaatissai

Soqanngilaq.

Siunnersuutip innuttaasunut aningaasatigut allaffissornikkullu kinguneqaatissai

Utoqqaat 65-inik ukioqalersimasut utoqqalinersiamikkut ilanngaaffigitinngikkaluarlutik sulinissamut periarfissaqalissapput taamaalillutillu isertitarisartatkkatik qaffassinnaallugit.